



Uunga siunnersuut: Nukissamik pilersuineq pillugu Inatsisartut peqqussutaasa allanngortinneqarnera pillugu Inatsisartut inatsisaat nr. xx, xx. xxx 2017-imeersoq. (Ataasiakkaarluni kiassarnermut uuttuutit)

(Inuusutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)
(Siullermeenera)

Matumani siunnersuut pivarpur, suliarineqalersoq Demokraatit aalajangiiffigisassatut siunnersuuteqarnerat tunngavigalugu. Tamanna tunngavigalugu soorunami nuannaarutigaarput, Naalakkersuisut suliniuteqalersimammata inatsit pioreersut allanngortinniarlugu, taamaasilluni atuisorpasuit periarfissillugit kiassarnermut atukkaminnut taamaallaat akiliisalernissaannik. Tamannami arlalinnik iluaqutissartaqarpoq.

Siullermik Demokraatini isumaqarpugut inuit ataasiakkaat nammineq iliuutsimik kingunerannut akisussaasariaqartut. Illu kiassaruloorusukkaanni taava nammineq tamanna akilertariaqarpoq aamma eqqarsaraanni sapinngisamik minnerpaamik kiassarnermik atuiniarluni, taava akissarsissutigineqartariaqarpoq. Matuma siunnersuutip kinguneranik kiassarnermik annikitsumik annertuumilluunniit atuigaanni annermik imminut akiliuttalernissaq pineqarpoq

Siunnersuutip iluaqutissartaa alla tassaavoq, inuiaqatigiit kiassarnermut ataatsimut atuisarnerisa qularnanngitsumik minnerulernissaa pissutaalluni atuisartut annerusumik eqqarsaatigisallissammassuk namminneq kiassarnermut atortagartik, kajumissuseqalersitsisussamik inuit ataasiakkaat eqqarsarluarnerusalernissaannut.

Naggataatigut oqaatigerusupparput puiugssannginnatsigu siunnersuutip avatangiisinut iluaqusiinissaa, kinguneranik kiassarneq minneq pilersinneqartussanngussamat.

Taamatut oqaaseqarluta siunnersuut suliareqqitassanngorlugu Sanaartornermut Ataatsimiititaliamut innersuupparput.